

# Kompas Spiritual

April 2013

edishon 8

## Den e edishon aki

- 1 Introdukshon
- 2 Nos Kapelan di Scouting  
Antiano na Palabra
- 3 Kontinuashon: Nos Kapelan di  
Scouting Antiano na Palabra
- 4 Kontinuashon: Nos Kapelan di  
Scouting Antiano na Palabra
- 5 (Tradukshon Parti D) Guidelines  
Spiritual And Religious Development
- 6 (Tradukshon Parti D) Guidelines  
Spiritual And Religious Developmen
- 7 Pa Bo Sa (desaroyo spiritual)
- 8 Kontinuashon: Pa Bo Sa (desaroyo  
spiritual)
- 9 Karta di Rolando Rocha Maldonado
- 10 Annual Mass shows faith at core of  
Scouting
- 11 Kontinuashon: Annual Mass shows faith  
at core of Scouting

### Athunto:

- Δ Welpnan na kaminda pa nan Promé  
Santa Komunion 2014
- Δ Aktivitat Spiritual: e Stashon di Radio
- Δ Perseverá edishon 27

## Introdukshon:

Amigunan Scout kontá bai, Komishon pastoral mas serka di bosonan, Ataaaaa..... Kompas Spiritual 8 ta den bosonan su man, pa boso informashon i formashon spiritual. Boso komishon pastoral ta hasi su bèst pa kada bes di nobo presentá un mihó produkto na bosonan. Guia i motivá pa Spiritu Santu, nos ta prepará nos aktividatnan pa boso nos rumannan scout. 16 desèmber na nos tremendo selebrashon di fin di aña, tabata reina un momentu di alegria, kaminda nos a presentá i bendishoná nos promé buki di orashon. Un meta mas logra danki na nos Gran Hòpman. Nos ta spera sinseramente for di nos kurason ku e buki aki lo haña un bon uzo den nos gruponan i konsekuensia di esaki ku bendishon lo kuminsá brota den henter nos organisashon. Kada ruman ku tabata presente na e selebrashon a risibí un di bukinan aki den forma di un pakete nechi regla. Awèl si mi rumannan, nos ta spera di haña reakshon di boso banda pa asina nos por sinti/sa ku nos ta yenando e parti di formashon spiritual ku tin tantu nesidat dje den nos organisashon. Idea i sugerensha nan ta mas ku bon bini. Pa esun nan ku ta deseá algu mas; den Scout shop tin un huki spiritual kaminda mi rumannan por haña un tiki mas di sheu. Pa awor aki sigui disfrutá di bo kompas spiritual 8.

*"Lord, make me an instrument of your  
peace"  
Scout, Builders of Peace*



## Nos Kapelan di Scouting Antiano na Palabra

### LUS DI KRISTU

Bida ta trese hopi responsabilidat sea den kua estado di bida abo ta. Un scout tambe tin hopi responsabilidat pa kumpli kuné, sea bo ta lider, bo ta bever, verkèner, welp òf rowan. Den kua etapa di scout ku bo ta aden n'e momentu aki, tin sierto responsabilidat. Banda ku bo ta forma parti di un organisashon scout, bo ta miembro di un famia, bo ta miembro di un sosiedat ku tambe ta pone mas responsabilidat. Ta bin aserka tambe e otro responsabilidat manera skol òf trabou. Semper den bida tin responsabilidat i mas ainda komo un yu di Dios, Kristian òf simplemente un kreyente. Bida riba su mes ta un responsabilidat. Kiko ku bo ta hasi, kon ku bo hasié, tur kos ta kuminsá ku responsabilidat i ta terminá ku esaki.



Awe mi ke para ketu solamente riba tres punto importante ku nos mester biba i laga e lus di Kristu yuda (guia) nos pa biba esaki. Kòrda tene kuenta ku kada un di nos tin ku biba esaki dependiendo di nos edat. Santa Skritura ta siña nos ku tempu mi tabata mucha mi tabata aktua komo mucha i mi tabata pensa manera mucha, awor ku mi ta un adulto mi tin pensa, papia i aktua komo un adulto

(Hos.11:1). Pues kada un di nos mester evaluá nos mes bida i para ketu riba dje.

#### 1. Kontrolá bo pensamentu:

E mente humano ta hopi poderoso ku e ta atraé nos pa fokus riba algu ku por bira un realidat. Si nos fokus riba bendishonnan, mas bendishon lo bini nos direkshon. Profeta Ezikiel ta invitá nos pa para ketu riba nos kustumbenan, nos aktividatnan, i puntra nos mes ku esaki nan tin Dios den nan. (Ez. 33:11) Nos mente ta e regalo ku Dios a duna e kurpa humano ku ta asina poderoso ku nos no por husa henter su kapasidat pa hasi loke berdaderamente nos mester hasi. Den hopi kaso nos ta hasi uso di dje robés, of usé pa kosnan robés. Hopi biaha nos ta astuto pa e kosnan robés i no pa e bendishonnan den nos bida.

Tene kuenta ku nos mente ta bai manera nos ta bai hopi bes of manera nos ke pa e bai konsientemente of inkonsientemente. Pero si nos fokus riba kosnan robes, negativo, sin bida i sin animo anto ki bo ta pensa ku lo bo atrae den bo bida? Klaro, mas kos negativo i destruktivo lo presentá riba bo kaminda. Bo mes ta yama bendishon of maldishon den bo bida. Pesei ta importante pa un scout pensa positivo ku su mente, pa asina kos bon ta bin den su direkshon. Pensa ku yudansa di Dios, mi por tur kos.

# Kompas Spiritual

April 2013



Pensa komo un scout mi ta un bendishon anto lo bo ta bendishoná. Loke bo pensa ku bo no por logra, bo por hasié i logré, ku yudansa di nos bon Dios. Kuminsá na pensa loke bo ke kambia den bo bida. Awor pone bo mente pa logra esaki. Pensa i pone bo mente riba dje, ta komienso di un kambio den bo bida. E komienso mester keda maré na esfuerso pa yega na bo meta. No laga niun hende i nada kita bo fokus pa logra e kambio.

Unabes ku tur loke nos pensa i fokus riba dje lo bira manera un magneet ku ta atrae kosnan riba nos, nos mester ta kouteloso i kontrolá nos pensamentunan. Tin un dicho ku ta bisa ku mente di hende ta kashi di piká. Ban wak nos mente, pa nos no peka pero pa nos por krese i madurá físikamente i sosialmente. Pa medio di nos mente, nos por yuda otro di biba Kristu. Pensa ku nos ta lus di mundu i mundu lo bira lus pa nos. Kristu a derotá obranan di skuridat komo hende, kual ta un señal ku nos tambe por.

Proverbionan 23:7 ta bisa nos, hasi uso di e regalo ku Dios a duna nos pa nos por logra tur nos metanan.



## 2. Kere

Hesus a bisa nos simplemente kere, pasobra tur kos ta posibel pa esnan ku ta kere. (Marko 9:23)

Manera Hesus a hasi su parti pa nos dor di muri riba Krus pa nos liberashon, pa motibu di amor pa nos. Den e mesun un forma Hesus ta invitá nos pa nos tambe hasi nos parti dor di entregá kosnan simpel pero ku tin un impakto grandi den nos bida, pa asina otro tambe por kere den Kristu.

Kiko ta nos parti? E úniko kos ku Hesus ta pidi di nos ta pa nos kere. No pa nos ta hendenan manera Tomas, ku tin ku mira promé nan kere, of hende inkredulo. Nos parti ta, pa laga e misterio di Kristu kompañá nos. Nos parti ta evaluá nos bida, wak rònt i mira e maravianan di Dios. Nos parti ta simplemente kuminsá na rekonosé Dios rònt di bo: naturalesa, konstrukshon, hende...ets

Kere den kiko? Ku Hesus ta yu di Dios i ku e ta fiel na nos i na mundu i na su palabra. Kere

ku Hesus ta bisa ken ku e ta bisa ku e ta i ku E lo hasi loke El a bisa ku lo E hasi. (Hebr. 11:6)

Nos mester ta un kreyente ku ta kere i no unu ku ta simplemente akumulá kosnan (Hn. 14:12-14). Nos no mester ta hanchu pa nos i smal pa otro. Nos fe hopi biaha ta basá riba esun ku ta risibí só òf ta tuma só, akumulando tur sorto di bendishon. Pero nos fe mester ta basá riba esun ku ta duna, mas bo duna mas felis bo ta. Esaki ta fundeshi di un scout, kual ta basá na duna pa un mundu mas felis. Dor di kere ta hasi nos ménos frustrá, ku nos interes di kosnan di mundu no ta atraé nos, i nos



# Kompas Spiritual

April 2013



no ta akumulá kosnan ku no ta duna bida.

Nos mester pone nos konfiansa den Dios pasobra Dios ta perkurá pa nos. (1Pd. 5:7)

Nos mester kere ku nos a risibí bendishon sin ku nos a mirá ainda. Sigui kere ku tur kos ku bo ta pasando awor aki un dia lo pasa bai.

### 3. Ser un bendishon



Ser un scout anto ser un Kristian ta simplemente bira un sirbidó pa otro. Nos bendishon ta bini dor di ser sirbidor di otro. Di hasi bon, di papia bon i di biba bon. Nos bendishon ta bini ora nos ta felis dor di mira nesesidat di otro i duna un man; mira otro hende bon ta hasi nos felis. Ora nos ta sirbi otro i bendishoná otro, nos ta sirbi Kristu i bendishoná Kristu. Den Mateo 25:40, Hesus a bisa nos: " loke nos hasi na esun di mas chikí, nos ta hasié p'e".

No tin nada ku ta duna un scout (kristian) mas satisfakshon i legria pa ta un bendishon pa otro. Pesei un scout ta yuda, ta kompartí i ta yamá pa hasi trabou boluntario. Ora nos keda husa komo un bendishon, nos mes lo keda bendishoná.

Hesus a bisa nos den Lukas 6:38 " Duna i Dios lo duna boso; un bon midí, bon primí, bon sakudí, ku ta basha over, lo kai den boso skochi. Pasobra ku e midí ku boso midi otro hende,

ku e mesun midí ei Dios lo midi boso. "

Pesei nos mester traha ku nos mannan pa yuda esnan den nesesidat pa satisfasé nan situashon i kontribuí pa edifiká, lanta i konstruí un sosiedat kaminda nos tur ta perkurá pa otro. (Efesionan 4:28)

San Pablo na Tesolonika ta siña nos: "Awor, rumannan, den nòmber di Señor Hesus nos ta pidi i eksigui di boso pa sigui biba den un forma ku ta agradá Dios, manera nos a siña boso i hasié mas di loke boso ta hasiendo kaba." (1Tes. 4)



### Algun teksto pa refleksioná:

Nos mester kana ku amor meskos ku Kristu a stima nos. (Ef. 5:2)

Nos mester ta humilde manera Kristu a demostrá humildat. (Fil. 2:5-8)

Nos mester pordoná meskos ku Kristu ta semper disponibel pa pordoná nos. (Lk. 23:34)

Nos mester ta obediente meskos ku Hesus semper a kumpli ku boluntat di su Tata. (Hn. 8:29)



## TRADUKSHON di manual di W.O.S.M. "GUIDELINES ON SPIRITUAL AND RELIGIOUS DEVELOPMENT"

Parti D.

### Kapítulo 2: Ophetivonan edukativo pa desaroyo Spiritual i e prinsipianan fundamental di Scouting.

E siguiente parti ta for di e publikashon "Karakterístika esensial di Scouting", publiká pa Ofisina Mundial di Scouting na 1998.

E **Promesa i Lei di Scout** ta invitá e Scout pa asumí un responsabilidadat personal. E lei di Scout ta kontené hopi di e balornan ku Scouting ta para p'e. Ser digno di konfiansa, fiel, yuda otro, un amigu, un ruman, kortés, kuida naturalesa, obediente, alegre, konsiente di e balor material di lokual e ta usa i limpi den pensamentu, palabra i echo ta balornan ku e Lei aki kada biaha di nobo ta rekòrdá e Scout ta ki persona e lo ke bira.

**Siña dor di hasi** ta rekonosé ku desaroyo spiritual ta algu personal i siña dor di hasi ta sigurá ku e persona mes ta enbolbí den e desaroyo aki. Den e kuadro aki e siña dor di hasi ta inkluí tur e aktividatnan ku e Scout ta hasi tratando na krea un mundu mihó.

E **base simbóliko i seremonianan pa selebrá bida** tei pa sigurá ku desaroyo spiritual ta parti di e desaroyo integral di e persona. Den Scouting e base simbóliko ta un konhunto di simbolo i seremonia ku ta representá e propuesto edukativo di Scouting pa kada sekshon di edat spesífiko. E base simbóliko ta pa stimulá e kapasidat imaginativo, aventurero, kreativo i inventivo di e hóben i desaroyá esakinan di tal forma ku e ta krea mas solidaridat den grupo.



E **trahamentu den grupo chikí (sistema di patruya)** ta duna e Scout un ambiente pafó di su famia kaminda nan ta siña skucha i respetá otro. E ta ofresé hóbenan e oportunidat pa eksperenshá relashon, biba huntu, outensidat, mutualidat, simpatia, pordon, esensia di propuesto i vishon komun, e reto relashoná ku e pregunta tokante un realidat spiritual / lo invisibel. E grupo di edat komun aki tambe ta duna e Scout e oportunidat pa duna sentido na su eksperensha i ekspresá lokual nan ta kere na un forma ku ta relevante pa nan. Nos mester di un grupo di amigu pa nos tin Fe den "lo invisibel" pa nos, ku lo trèk nos pasa den e laberinto di bida.



# Kompas Spiritual

April 2013



Ademas, den un konteksto mas amplio e sistema aki ta pidi e Scout pa surpasá kualkier diferensha rasial, étniko, religioso òf nashonal pa topa otro den e spiritu di hermandat real. Mas nos siña na biba huntu dor di enkuentronan (kamp, jamboree i otro eventonan Scout) mas sinsero i efektivo e balornan di apertura, kompreshon i kuido mutuo, toleransha i solidaridat ta influenshá nos karakter.

Kresementu spiritual ta tambe e eksperensha di ser mas humano, un intento kontinuo pa aserká otro, un bida real i spontáneo ku ta resultá den un laso di komunión i famia. E lokual ta esensial ta surgi den e kurason di e famia Scout i ta profundo. E enkuentronan aki semper ta krea reto pa nos mente i kurason i tin enkuentro ta influenshá nos bida pa semper.

**Kresementu personal** ta e elemento relashoná ku yuda kada hóben desaroyá na motivashon propio pa ta serio i aktivamente enbolbí den nan propio desaroyo. E ta duna kada hóben e espasio pa krese na su propio manera i su propio paso den e direkshon general di e ophetivonan edukativo di kua desaroyo spiritual ta un parti integral.



**Bida den naturalesa** ta ofresé e Scout oportunitat pa eksperenshá e bunitesa i milagernan di naturalesa i rekonosé ku tin kos ta bai mas aleu ku nan kòntrol i kompndementu. Tambe e ta enkurashá e Scout pa reflekshoná riba e daño i bon ku e interakshon humano ku naturalesa por hasi i nos responsabilidat komo tal pa kuida e mundu natural.

di bida. Nan por kompartí nan propio eksperensha den e búskeda di Dios i e lokual ku nan a deskubrí ku a duna mas sentido na nan bida. Adul-tonan por tambe yuda e hóben haña aksesu na e posibilidatnan eksistente den nan komunidad pa guia spiritual i herensha spiritual.

Aporte di **ADULTO** den e desaroyo spiritual di e hóben ta presentá na momento ku e adulto interkambiá ku e hóben tokante e preguntanan komun relashoná ku lo místico

E echo ku tur e elementonan di e método Scout ta relashoná ku desaroyo spiritual ta demostrá e laso intensivo entre e desaroyo spiritual i e bida komo Scout den kua e Scout ta identifiká i kompartí balornan komun pa asina huntu purba na mehorá e bida komun.

**The believer's act [of faith] does not terminate in the propositions, but in the realities  
[which they express].**

**-- St. Thomas Aquinas**



## Pa bo Sa (desaroyo spiritual)

Dia 13 di mart Kardinal Jorge Mario Bergoglio S.I., arsobispu di Buenos Aires, Argentina, a wòrdu eligí komo nos Papa nobo. Papa Francisco ta karga nòmber di San Francisco de Asis, kende tabata un di e figuranan mas venerá pa Iglesia Katóliko Romano.

San Francisco de Asis tambe ta e personahe ku nos tin komo modelo den scouting pa desaroyo di e área spiritual.

Laga nos resa pa Spiritu Santu iluminá Papa Francisco pa e sigui guia nos i guia Iglesia Katóliko.



Den nos edishon nr 7 nos a publiká e Karta Apostóliko 'Porta Fidei' (Porta di Fe) ku Papa Benedicto XVI a nombra e aña di fe ku a kuminsá 11 okt 2012 i lo terminá den solemnidat di Kristu Rei dia 24 nov 2013.

### **KIKO TA AÑA DI FE?**

Aña di Fe ta un yamada pa bolbe deskubrí e balor, rikesa i legra di nos fe kristian. I tambe un yamada pa un kombershon outéntiko i renobá den Kristu, Señor i Salvador di mundu.

### **PA KIKO E ATENSHON RIBA FE?**

Kiko por ta mas importante ku nos **FE**?

E ta fundeshi di ken nos ta komo kristiannan katóliko i un gran don di Dios. Sin embargo, den nos mundu di awe, nos ta birando mas vulnerabel na movementunan sekular ku ta alehá nos di Dios.

**Ta p'esei,**

### **AÑA DI FE TA TEMPU PA:**

- ❖ Meditá riba fe, ku ta un don di Dios.

# Kompas Spiritual

Aprel 2013

- ❖ Konosé i komprondé mas profundo siñansanan di Iglesia
- ❖ Lesa Santa Skritura.
- ❖ Alimentá i fortifiká nos fe pa medio di Santa Eukaristia.
- ❖ Habri e “porta di fe” pa otronan.

## KON POR SELEBRA AÑA DI FE?

- ❖ Resa i siña for di kabes e Kredo Niseno-Konstantinopolitano. Ta resa e kredo aki tur djadumingu, durante e aña di fe aki.
- ❖ Buska tempu pa resa tur dia, Habri bo kurason pa Dios den orashon ta hiba na e kaminda di fe i kombershon mas profundo i un kurason mas misericordioso.
- ❖ Asistí na Santu Sakrifisio di Misa ku mas fe dor di partisipá aktivamente den orashon i kantikanan.
- ❖ Studia siñansanan di Iglesia. Nos fe ta krese ora nos ta respondé na e Palabra di Dios.
- ❖ Sirbi esnan pover i marginá. Nos fe ta den akshon ora ta yuda esnan ku ta den nesesidat.





# Kompas Spiritual

Abril 2013

De: Rolando Rocha

Fecha: jueves, 14 de marzo, 2013

Estimados hermanos en Cristo y María:

Con enorme alegría y profunda satisfacción les informo oficialmente el advenimiento de su Santidad Francisco I, Cardenal Primado de Buenos Aires república Argentina, amigo y benefactor del movimiento scout.

Hecho histórico en el que se nombra como Santo Padre, Pastor y guía universal de la iglesia católica en el mundo, a un servidor de la iglesia Latinoamericana por primera vez en la historia de la iglesia católica. Un ser humano de grandes cualidades, humilde y de una fortaleza única que dignifica a nuestra comunidad de iglesia.

Giro histórico con los ojos puestos en Latino América que nos llena de gozo; pero que al mismo tiempo significa un enorme desafío para el pueblo Latinoamericano, que hoy más que nunca deberá fortalecer y reconducir su vivencia en la doctrina y valores de fe católica.

Con enorme ilusión iremos junto a él **MÁS ALLÁ DONDE ESTÁN LOS QUE MÁS NOS NECESITAN** como nos pidió en una entrevista concedida a los scout de las Américas, seguro estoy que vendrán nuevos tiempos para el movimiento scout, ya que el Santo Padre es un conocedor y convencido de la enorme contribución del movimiento scout en el proceso de educación de nuestra sociedad y en particular del movimiento scout católico como herramienta evangelizadora en el trabajo con los niños y jóvenes, lo que nos compromete a un renovado compromiso en nuestro trabajo junto a nuestra iglesia.

Felicitaciones, mil gracias a nuestros hermanos Argentinos por habernos dado a este hombre de grandeza única que representa un ejemplo y un modelo a seguir para toda nuestra comunidad de iglesia y en especial para los líderes scout de nuestra América.

Con la bendición del Señor reciban ustedes un fraternal saludo.

Rolando Rocha Maldonado  
Secretario Regional CICE América





## Annual Mass shows faith at core of Scouting

By Maria Wiering

[mwiering@CatholicReview.org](mailto:mwiering@CatholicReview.org)



*Archbishop William E. Lori awards a religious emblem to a Cub Scout March 3 at the annual Archdiocesan Scout Mass at St. Bartholomew in Manchester. (Courtesy Carrie Joneckis)*

**MANCHESTER** – “All loyal and faithful sons and daughters of the church are faithful sons and daughters of their country,” Archbishop William E. Lori said in a homily March 3.

He was speaking to about 250 Boy Scouts and Girl Scouts, troop leaders, parents and families who attended the Annual Scout Mass, held this year at St. Bartholomew Parish.

The Mass was organized by the Archdiocese of Baltimore’s Catholic Committee on Scouting.

Archbishop Lori, a former Cub Scout, called Scouting a “formation in faith, in values, in preparedness and in patriotism” and expressed his admiration and gratitude for Scouting programs.

At the end of Mass, the archbishop and Monsignor Thomas L. Phillips, Catholic Committee on Scouting chaplain, presented religious awards to Scouts and leaders. More than 350 Scouts received religious emblems in 2012.

Among them were Zach Kimball, 14, and Brady Lamas, 13, members of Boy Scout Troop 564 at St. Margaret in Bel Air. They were among the 34 Scouts who received the Ad Altari Dei emblem, which means “to the altar of God” and recognizes completion of a class on the sacraments.

# Kompas Spiritual

April 2013



"It's important because I have to learn more about the church," said Kimball, a Scout since first grade.

Connecting the annual religious awards to a Mass reminds participants that Scouting is founded on God and Country, said Monsignor Phillips, pastor of St. Gabriel in Woodlawn and Scout chaplain for 18 years.

"Every Scouting event is supposed to have a prayer service," he said. "(It's) knowing that God is present in our lives. When you're out in the woods in nature, and you see all of the wonders that God has created – all the animals, the plants, the trees, the sky – all that stuff comes into play."

The Mass highlighted the role of faith in Scouting for Hattie Wheeler, 34, whose sons Benjamin, 10, and Maddox, 8, joined Cub Scout Pack 665 at St. Bartholomew this year.

"There's a lot more of a religious base to (Scouting) than I thought there was," said Wheeler, a Methodist who said her family attended the Mass to show support for Scouting and their pack.

The Catholic Committee on Scouting also awarded 12 adult awards, including a St. George Emblem to Archbishop Lori. The award is a national honor for contributions to the spiritual development of Catholic youths through Scouting.

"The award is a recognition of the work of the whole archdiocese in promoting Scouting," Archbishop Lori told the Catholic Review after the Mass.

"(Scouting) is an aid to young people and the practice of their faith," he said. "It helps them to develop leadership qualities and virtues that will serve not only them but the church and our society well in the future."

He added: "Many times when you meet Catholic leaders and you ask if there's a history of Scouting, usually you find there is."

The Catholic Committee on Scouting plans to award a Silver Buffalo Award to Cardinal William H. Keeler, archbishop emeritus of Baltimore, April 12. The highest national honor, the Silver Buffalo recognizes a person's extraordinary service to youth.

*Copyright (c) March 5, 2013 CatholicReview.org*



Happiness is open to all, since, when you boil it down; it merely consists of contentment with what you have got and doing what you can for other people.

**Sir Robert Baden-Powell**

## Welpnan na kaminda pa nan Prome Santa Komunion 2014.

Na 2012 a kuminsá ku un proseso nobo den Iglesia Katóliko na Curaçao. Muchanan ku ta den grupo 4 di skol básiko mester kuminsá un proseso di 2 aña di preparashon. Esaki lo a nifiká pa e welpnan aki nada òf djis un parti chikí di bijeenkomst pa 2 aña. Pero esei no a pasa ku Alexia i Alexine Manuel ( Cariben groep 6, DI), Giorney Krips i Meliantha Eustatia ( tur dos di Peter Stuyvesant groep 4, D II).

Dia 24 febrüari nos a bai sera un siklo huntú, nos a bai Santu Sakrifisio di misa na parokia di suffisant serka Kapelan di Scouting Antiano pastor Morrison La Porte. Despues a sigui un ratu hopi kontentu huntú ku nos famia. Pa e dia aki tur dos grupo 4 esta esnan ku ta haña nan preparashon na papiamentu i esnan ku ta hañ'è na hulandes tabata huntú henter mainta.



Nos wikènt ta yen, pasobra nos ta bai bijeenkomst na nos diferente gruponan djasabra i djadumingu nos ta topa pa siña mas di nos Fe. E preparashon ta wòrdú duna dor di Tic Tac Gilda Zalm ( Peter Stuyvesant gr 4, DII) ku riba e djadumingu nan ei yama Tante Gigi òf Tante Gilda. Nos ta usa e mesun buki di preparashon ku Instituto katekético a saka. E kreativitat scout bo ta sintié i eksperensh'è durante e preparashon. Nan ta reuní na kas den balkon masha dushi mes i ku hopi alegria pa haña nan preparashon.



E smile nan ta papia....

Komo Scout i katekista mi ta masha kontentu di por duna un man pa nos welpnan por haña e preparashon i tambe partisipá aktivo na nan respektivo gruponan. ( skibi pa Tic Tac Gilda Zalm)



# E STASHON DI RADIO

Area di desaroyo  
**SPIRITUAL**



## DESKRIPSHON DI E AKTIVIDAT

Durante di un aktivitat sosial partisipantenan lo siña kon usa su balornan spiritual den nan bida diario .

## META DI E AKTIVIDAT

1. E importansha di tuma desishon basa riba prinsipionan moral.
2. Desaroyá bo abilidadnan kon pa resolvé problema.
3. Komprondé ku ser humano ta mas importante ku kosnan material.

## E TA KONTRIBUÍ NA LOGRO DI E SIGUIENTE OPHETIVONAN EDUKATIVO

**Lider/Rowan/Verkèner:**

1. Mi prinsipionan moral.
2. Biba i praktiká mi Fe.
3. Amplia mi desaroyo spiritual.

## MATERIAL

- Radio òf lèptòp ku kansionnan kontroversal.
- Teksto di e senario.
- Un CD.

## PREPARASHON

- Lider di aktivitat mes ta lesa e senario.
- òf laga un boluntario lesa e senario pa e partisipantenan.

### LUGÁ

Den un sala sera òf un lugá kaminda por konsentrá.

### DURASHON

Un ora i 30 minüt.

### PARTISIPANTENAN

Adaptá e ròlnan di akuerdo ku kantidat di grupo partisipante.

- Adaptá e ròlnan na e kantidat di partisipante. Si e grupo ta grandi, pidi e hóbennan pa forma dos òf mas grupo pa e aktividat. Si e grupo ta chikí redusí e kantidat di ròlnan.
- Laga e hóbennan skohe ròlnan ku nan ta partisipá den e diskushon di e senario.
- Traha e skriptnan pa kada partisipante

## DESAROYO DI E AKTIVIDAT

Un radio stashon a wòrdu skohe komo number 1 den e kategoria di músika pa hubentut i hóbén adulto. En realidat e direktor di e radio emisora a kaba di risibí un bon bónus kèsh pasombra ta di dos aña konsekutivo ku e emisora ta wòrdu skohe komo e mihó radio emisora.

Na mes momentu un polis ta ser haña morto den e suidat. Banda di kurpa di e polis morto ta haña un CD. Riba e CD tabatin un selekshon di kansion ku titulo “ mata polis” i e kantika ta bisa “bula tur polis” tira tur polis”. E kantika tabata wòrdu toká masha hopi biaha pa dia na e radio emisora.

Tambe e radio emisora ta toka hopi kansionnan rasista i kansionnan ku ta insultá e ser femenino. Korantnan lokal a pidi pa kita lisensia di e radio emisora. Habitantenan ta pidi pa kita e direktor di e radio emisora. Pero e direktor ke a keda ku su trabou p’esei e tabata buska tur manera pa e hendenan stòp di kritiká. E la primintí nan ku e ta stòp di toka e piesanan ku nan tabata haña ofensivo. Miéntras tantu e DJ “shock jock” mas popular di e emisora kual ta number unu den tur buki di ranking di kansion a kuminsá menasa e direktor ku e ta tuma su retiru si e direktor no permiti’le toka lokual ku e ke.

Hendenan den e pueblo ta dividí. Algun ta bisa ku kansionnan ku tekstonan ofensivo no tin efekto riba e radio eskuchanan. Nan ta argumentá ku nan ta skucha e radio emisora hinter dia tur ora, anto nunca nan no a mata un hende. Nan no ta rasista ni tampoko abusador. Otronan ta bisa ku kansionnan ku tekstonan ofensivo ta hasi impakto riba hende.

### NA MESA DI DISKUSHON TA SINTA:

- Direktor di radio emisora.
- DJ - shock jock.
- Algun fanátiko di e radio emisora.
- Algun oyente ku ta kontra di e radio emisora.
- Kasa di e polis ku a wòrdu mata.

### NOTA PA E PERSONA KU TA DIRIGI E AKTIVIDAT.

#### *Na momentu di diskushon,*

Hóbennan ta tuma e ròlnan di e personanan ku ta envolví den e senario. Nan ta diskutí promé.

Ta importante pa na momentu di diskushon yega na un konklushon. Despues di e diskushon , pidi e hóbennan pa sali for di nan ròl i ser nan mes awor.

Yuda e hóbennan dor di hasi preguntanan manera:

- Kiko ta e balornan ku a presentá den e senario.
- Ki enseñansa Spiritual bo por a saka for di e senario aki.
- Kon esnan envolví den e situashon por wòrdu yama Kristian?.

Hóbennan meresé mas ku solamente aktua komo den e diferente ròlnan aki: Nan ta disipelnan di Kristu, nan ta siña kon biba nan FE den bida diario.

### BO TAREA:

- Diskutí e senario for di punto di bista di bo ròl.
- Disidí huntu den e grupo, kiko e direktor di e radio emisora mester a hasi.



# PERSEVERA

Un página di kurashámentu i guia spiritual pa miembronan di Scouting Antiano



April 2013

Edishon 27 Aña 3

## Speransa

### Hesus a bini na mundu pa trese speransa den tempunan inseguridat i di duda:

E fe i amor ei ta basa riba e speransa di risibí loke tin warda pa boso den shelu. Boso a tende di e speransa ei dia e mensahe di bèrdat, e bon notisia, a alkansá boso. E bon notisia aki ta sigui plama i karga fruta rònt mundu, meskos ku ta sosodé serka boso for di dia ku boso a tend'é i a siña konosé grasia di Dios manera e ta di bèrdat.

*Kolosensenan 1.5-6*

Anto esun ku ta karga e speransa aki den Kristu, ta mantené su mes puru, meskos ku Kristu mes tambe ta puru. *1 Huan 3.3*

Mi rumannan laga nos alegrá nos kurason i ban kanta i alabá nos Gran Hòpman pa su speransa bira realidat den nos bida, pasobra speransa ta e último kos ku nos tin ku pèrdè den bida.



### No pèrdè speransa

Maske bida a bira duru  
Maske tempu a bira skur  
Maske pueblo ta lamentá  
No pèrdè speransa

Maske ta poko t'esnan kua keda  
I e nubia a disparsé  
Maske ya dòkter a baha kabes  
No pèrdè speransa

No pèrdè speransa  
Pasobra leu aya, t'un lus ta aserka

No pèrdè speransa  
Ni maske kon kibra, bo kurason por ta  
No pèrdè speransa  
Pasobra otronan, ya a entregá  
No pèrdè speransa  
Promé ku Dios, duna bo un palabra

Maske bo fuente di entrada a seka  
I bo debe a krese mas  
I bo karga awor a bira pisá  
No pèrdè speransa

Si bo n' tin pas i amor den bo kas  
Ta parse ku bo n' ta logra mas  
Ta desapunto so a keda atras  
No pèrdè speransa

No pèrdè speransa  
Pasobra leu aya, t'un lus ta aserka  
No pèrdè speransa  
Ni maske kon kibra, bo kurason por ta  
No pèrdè speransa  
Pasobra otronan, ya a entregá  
No pèrdè speransa  
Promé ku Dios, duna bo un palabra

For di boka di hende a sali  
Ku ya no tin speransa mas  
Pero e último palabra  
For di boka Dios e lo bin

No pèrdè speransa  
Pasobra leu aya, t'un lus ta aserka  
No pèrdè speransa  
Ni maske kon kibra, bo kurason por ta  
No pèrdè speransa  
Pasobra otronan, ya a entregá

No pèrdè speransa  
Promé ku Dios, duna bo un palabra

No pèrdè speransa  
Pasobra leu aya, t'un lus ta aserka  
No pèrdè speransa  
Ni maske kon kibra, bo kurason por ta  
No pèrdè speransa  
Pasobra otronan, ya a entregá  
No pèrdè speransa  
Promé ku Dios, duna bo un palabra

No pèrdè speransa  
Promé ku Dios, duna bo un palabra

No pèrdè speransa  
Promé ku Dios, duna bo un palabra